

Сулейман-Стальский райондин общественно-политический газет

КУЪРРЕДИН ХАБАРАР

№13 (26486)

Жуьмя, 1-апрель, 2022-йис
Газет гьафтада садра акьатзава.
Маса гуниин кьимет азадди я

ТЕБРИК

За «Сулейман-Стальский район» муниципальный райондин депутатрин Собранидин, администрациядин ва кьилди жуван патай вири районгьлийриз алуькьзавай Сив хуьнин варз риктин сидкьидай мубаракзава.

Къуй Сад тир Аллагьди куьне къазвай сивер, ийизвай дубаяр къабулрай ва куь эрзиман мурадар кьилиз акьатрай. Къуй и экуь сувар куь квалериз, хизанриз динжвал ва шадвал гъурай.

Зун инанмиш тирвал, исламдин руьгьдинни ахлакьдин ивири гележегдани яратмишунин кардиз, районгьлийриз сад-садан гъавурда акьуниз, абурун арада дуствал ва меслятвал артух хуьниз къуллугьда.

Заз вири районгьлийрихь сагъламвал, ислягьвал, хушбахтвал хъана кванзава.

«Сулейман-Стальский район» муниципальный райондин Къил
Н. Абдулмуталибов



Сив хуьнай - сувабар

1. Бухаридини Муслима Абу Гъурайрадилай Пайгъамбардин гафар агакарна: «Къудратлу ва Чехи Аллагьди лагъана: Сив хуьнилай гъейри, амай вири амалар Адаман хци вич патал ийизва, гъакьикъатда ам Зун патал я, адай сувабни За гуда». Сив хуьн - им къалхан я. Сив хуьзвай вахтунда инсанди чъуру гафар лугъун тавурай, пис кваллахривай яргъа хуьрай ва сес хкаж тавурай. Нагагь са ни ятлани адаз чъуру гафар лугъуз хъайитла, я тахъайтла, адахъ галаз кикиз башламишайтла, лугъурай: «Гъакьикъатда, за сив хуьзва!» Аллагь-Тааладал кьин хуьй, сив хуьзвай инсандин сивай къезвай ни Халикьдиз мискдин атирдилайни хуш я. Сив хуьзвайдаз кьве шадвал жеда: сив хкуддай чъавуз ва вичин Раббидихъ галаз гуьруш хъайи юкьуз».

2. Бухариди агакарнавай гъадисдин маса риваятда Пайгъамбарди Аллагь-Тааладин гафар ахъайна: «Зун патал лукра тлуьн-хуьн, вичин гъевесар тазва. Сив Зун патал хуьзва ва За адан гъакьиндай суваб гуда. Гъар са хъсан амалдай цуд суваб жеда».

3. Муслима агакарнавай гъадисдин риваятда Пайгъамбарди лагъанва: «Адаман хци авур гъар са хъсан кваллах артух жеда, хъсан амалдай виридалайни тимил яз цуд суваб гуда, адай гъатта ирид виш къван сувабарни гун мумкин я».

4. Тирмизиди агакарнавай гъадисда лагъанва: «Сив хуьн жегъеннемдикай хуьзвай къалхан я».

5. Бухаридини Муслима Сагъл бин Са'далай Пайгъамбардин гъадис агакарна: «Гъакьикъатда, женнетдиз «Ар-Райан» лугъудай варар ава. Къияматдин юкьуз а варарай анжах сивер хвейибур гъахъда. Гъа чъавуз лугъуда: «Сивер хвейибур гъинава?» Сивер хвейибур вилик экъечла. Абурулай гъейри, гъа варарай гъич садни гъахъдач. Абуру гъахъайдалай къулухъ варар агалда».

6. Агъмада, Лабараниди, Ибн Аби-д-Дунья-ди Умаран хва Абдуллагъалай Пайгъамбардин гъадис агакарна: «Сив хуьни ва Къуръан келуни лукран тереф хуьда. Сив хуьни лугъуда: «Я Аллагь, за ам тлуьникайни бедендин кьизгъин гъевесрикай хвена, гъавилляй зи шафаат къабула». Къуръанди лугъуда: «За ам йифен ахварикай магърумна, къабула зи шафаат». Ахпа абурун тлалабунар кьилиз акъудда» (Гъаким).

7. Байгъакьиди, Табараниди, Агъмада ва масабур Саламат бин Къайсара ахъайнавай гъадис агакарна: «Аллагьдин разивал къазанмишун патал са юкьуз сив хвейи инсан Ада жегъеннемдивай акъван яргъаз акъудда хьи, гъатта а мензил пехревай вич хайи йикъалай къуьзу жедалди атлуз жедач».

8. Ибну Мажагъа Абу Гъурайрадилай Пайгъамбардин гъадис ахъайна: «Гъар са шейинихъ вичин михивал ава. Бедендин михивал сив хуьн я. Сив хуьн - са бурдин са пай я».

9. Ягъин циргъ авай гъадис имам Агъмада ва Исфагъаниди Абу Гъурайрадилай агакарна: «Аллагьдин разивал къазанмишун патал сив хвейи ва гъа юкьуз кечмиш хъайи кас женнетдиз фида».

10. Гъузаймади ва Насаиди Абу Усаматалай агакарна: «За Пайгъамбардиз лагъана: «Эй Аллагьдин Расул! Заз са шей чира. Пайгъамбарди жаваб гана: «Вуна гъаф сивер хуьх, сив хуьнихъ галаз гекъигиз жедай затла авач».

И гъадисдин якъинвал Гъакима тестикъарна. Гъадисда мад лугъузва хьи, Усамата вичин суал кьве сеферда тикрар хъувуна ва Расулиллагъди вичин жаваб тикрар хъувуна.

Гъасан Амаханов, райондин имам

Наркотикриз акси комиссиядал

Дагъустан Республикадин Къил Сергей Меликован иштираквал аваз наркотикриз акси комиссиядин нубатдин заседание кьиле фена.

ВКС-дин кьайдада кьиле феи заседанида чи райондин Къил Нариман Абдулмуталибова ва общественный хатасузвал хуьнин рекъай райадминистрациядин Къилин заместитель Абуталиб Фатулаева иштиракна.

Республикадин Къили хабар гайивал, гъиле авай йисалай Дагъустанда «Противодействие незаконному обороту наркотиков, профилактика наркомании, лечение и реабилитация наркозависимых в РД» госпрограмма кардик акатнава.

Гъукуматди ва правоохранительный органрин идарайри наркоманиядиз акси гъаф мярекатар кьиле тухузва, абурун жергедай яз, («Мак», «Дети России», «Звезда Каспия», «Сообща, где торгуют смертью»).

ДР-дин кьенепатан крарин министр Абдурашид Мегъамедова хабар гайивал, 2021-йисуз Германиядайни Франциядай наркотикар гъизвай 3 канал дуьздак акъудна, 12 уголовный дело къарагъарна, наркотикар квай шейэр гъизвай чъехи 36 канал агална.

Алай йисуз наркотикар гъизвай 11 дуьшуьш, гъабурукай 6 кьатиз таьсирдай бейгъуш квай шейэр дуьздак акъуднава.

2021-йисуз кьунши районрай Сулейман-Стальский райондиз бейгъуш квай шейэр гъизвай са шумуд канал агална ва гъакни салара бейгъуш квай хъчар цазвай са шумуд кас кьуна, жазаламишна. Правоохранительный органрин работникри са шумуд чкадилай бейгъуш квай хъчар экъечнавай бустанар жагъурна ва абуру терг авуна.

Аптекрай психотропный шейэр гуьзай дуьшуьшар дуьздак акъудна, абурун вилик пад кьуна. Вири санлай чи райондай 235 канабдин тар, 800 грамм марихуана терг авуна. Чи районда 75 кас бейгъуш квай затлар ишлемишзавабуру учетда ава, абурукайни 8 кас рапар язавайбуру я.

Эхирдай анал, республикадин правоохранительный органри авур профилактикадин мярекатрикай, Халкьдин Собранидин депутатрин кваллахдикай, халкьдин арада и рекъай кваллах мадни гужлу авуна кванзавайди лагъана Сергей Меликова.

С. Баламетова

Коллегиядин заседанидал

28-мартдиз райондин Къил Нариман Абдулмуталибован регъбервилик кваз Коллегиядин заседание кьиле фена. Анал куьлуь карчивал вилик тухуниз куьмек гуниин ва культурадин ирсинин объектар хуьнин месэлайриз килигна.

И месэладай анал гегъенш информация гъаз райадминистрациядин экономикадин отделдин начальник Санягъ Вагъабова рахана. Ада кьейд авурвал, куьлуь карчивал алай вахтунда цийи кваллахдай чкъар арадал гъунин, чкадин бюджет тамамарунин, яшайишдинни экономикадин жигъетдай авай гъал хъсанаруниз куьмек гуниин чешме я.

Райондин сергъятда куьлуь ва юкьван карчивилин 960-далай виниз субъектар регистрация авунва. Экономикадин и хиле кваллахдал машгълбурун къадарди 2 агъурдалай виниз тешкилзава, алатай йисав гъакьигаила им 6,3 процентдин гъаф я. Йисан девирда 223 кас учетда акъвазна, гъа са вахтунда куьлуь ва юкьван карчивилин 194 субъект учетдай акъуднава.

Алатай йисав гекъигаила юкьван гъисабралди хуьруьн майишатда кваллахзавайбурун вацран мажиб 26 процентдин хкаж хъана ва ада 24076 манат тешкилна, промышленностдин хиле 5% (29500 манат) хъана, алишверишдин хиле юкьван мажиб алатай йисан дережада ама. Райондин АТК-да 3 СПОК, хуьруьн майишатда 27 кархана, 47 КФХ ва ИП, 960 арендатор, 20942 ЛПХ ава.

Хуьруьн майишатдин валовой продукциядин къадарди 2021-йисуз 3995 млн. манат тешкилна, и хилез 774 млн. манат инвестицияр желбна, райондин консолидированный бюджетдиз 47 млн. манат пул атана, им алатай йисав гекъигаила 29 млн. манатдин гъаф я.

МСП-дин субъектриз гъукуматдин патай куьмекар гуниин гъакьиндай анал администрациядин Къилин заместитель Саид Темирханов, УСХИП-дин начальникдин везифаяр вахтуналди тамамарзавай Къазиагъмед Къазиагъмедов, райондин карчийрин Союздин председатель Максим Аскеров, УМИЗ-дин директор Назир Гъасанов ва маса юлдашар рахана.

Анал алай кьвед лагъай месэладай – культурадин эменнидин объектар хуьнин ва ишлемишунин жигъетдай райондин культурадин отделдин руководитель Майрудин Бабаханов, архитектурадин ва градостроительстводин отделдин начальник Виталий Алисинов рахана.

Коллегиядин заседанидал къарагъарай месэлайрай талукъ къарарарни къабулна.

Абидин Камиллов



Хабарар

Райондин Къилин гуьзчивилик

И йикъара Сулейман-Стальский райондин Къил Нариман Абдулмуталибова Дарклуш-Къазмайрин хуьре чирвилерин идарайрин эцигунрин къвалахар гьик киле физватга чкадал фена ахтармишна.

Школада капитальный ремонтрин къвалахар «100 школ» региональ-



ный проектдик кваз киле физва. Ремонтрин къвалахарик школадин дарамат ремонт авун, чими санитарный узелар туклуьр хувун ква.

Нариман Абдулмуталибов капитальный ремонт авунин гъазувилериз килигна, УКС-дин къуллугъчийриз проектно-сметный документацияр гъазурун, госэкспертиза авуна, жезмай къван фад вахтунда къвалахар акъалтгарун тапшурмишна.

Школадин регъбериз 10 йикъан муддатда школадин гъаят, школадихъ галай чил михьи авунин, аваданламишунин тапшуругъар гана. Дарклуш-Къазмайрин поселенидин руководстводихъ галаз райондин Къил хуьре аялрин бахча эцигъавай гьал ахтармишизни фена. Аялрин бахча эцигиз 2021-йисан гатуз инвестиционный программадай эгечнавайди я.

2021-йисан эхирдиз контрактда къалурнавайвал 2-мергебадин идара эцигна акъалтгарна. Адалай къедей дараматда цай къуниз акси резервуар, трансформатор ва инженерный коммуникацияр эцигнава. Муъвал вахтара дараматда къенепатан къвалахарив эгечна. Алай йисан эхирдалди амай ремонтрин къвалахар хувуна акъалтгардай къаст ава.

Ремонтрин ва эцигунрин къвалахар проектрихъ галаз къадайвал авунвайди, генани гъавурда авай, кар чидай къуллугъриз къалурна, амай кимивилер арадай акъудна къанзавайди къейдна райондин Къил Нариман Абдулмуталибова.

С. Баламетова

Метлеблугуьруш

И йикъара чи райондин Къил Нариман Абдулмуталибова ва Дагъустандин гъукуматдин технический университетдин ректорвилдин везифаяр вахтуналди тамамарзавай Назим Баламирзоева санал къвалахар авунин тележег авай рекъер веревирд авуна.

Райондин Къил Нариман Абдулмуталибова къейд авурвал, икърарда жуьреба-жуьре муниципальный тешкилатар, идараяр ва карханаар патал



муниципалитетдин администрациядинни вуздин арада алакъяар мягъкемарун фикирдиз къачунва.

Дагтехуниверситетди идара ийизвай къуллугъчийрин чирвилерин дережа хажжунин, муниципальный къуллугъчийриз алава чирвилер гунин карда иштиракда. Райондин администрацияди лагъайтга, студентрин производственный практика ва стажировка киле фин тешкилуни карда иштиракда, хъсан пешекарар къвалахаралди таъминарда. И кардини саналди тир образованидин проекттар ва программаар, илимдин разработкар умуьрдиз кечирмишдай, гьакни макъсаддин чирвилер гун тешкилдай мумкинвал гуда. И кардини хуьрун чкада кадрар желбдай ва чкадал абур хуьдай мумкинвал гуда.


- Районда хъсан еришралди агропромышленный хел виликди физва, уьзумчивилин, багъманчивилин, набататчивилин, малдарвилер рекъерай инвестициярин проекттар умуьрдиз кечирмишзава. И жигъетдай вичихъ тележег авай хел яз туризмани къейд ийиз жеда. Муниципалитетди яшайишдин важиблу объекттар эцигунин ва общественный территорияр дъумишарунин жигъетдай госпрограммайра ва проекта иштиракзава. Яшайишдинни экономикадин жигъетдай вилик финин еришар фикирдиз къачурла, райондин умуьрди пешекар кадрарин, гъа гьисабдай яз архитекторрин, эцигунардайбурун, инженеррин, идара авунин къурулушдин пешекаррин къитвал гьиссзава. Зун чи санал къвалахар авуни хъсан нетижаяр гудайдахъ къелелай инанмиш я, - лагъана райондин Къили.

Куьре Абид

Эвел 10, 11-нумрайра

Куьревиар савадлу авуник пай кутурбур

Магъмудова (Кисилева) Розалия



Розалия Леонидовна 1937-йисан 14-ноябрдиз Томск шегъерда дяведин къуллугъчидин хизанда дидедиз хъана. Ада 1954-йисуз Киев шегъерда юкван школа, 1959-йисуз Тамбовдин государственной педагогический институт акъалтгарна. Паюналди Розалия къвалахар Дагъустандиз ракурна. 1965-йисалди ада Къасумхуьрун райондин Цицигърин 8 йисан школада географиядин ва биологиядин тарсар гана.

Гуьгъунлай Розалия Леонидовнадин хизан Махачкъаладиз куь хъана.

Велиева (Касобокова) Тамара Ивановна



Т. Касобокова Саратовский областдин Хвалинск шегъерда дидедиз хъана. Ада Волгоградский областдин Камышин шегъердин педучилище акъалтгарна. 1950-йисуз Тамара дуст рушни галаз Дагъустандиз рекъе твазва. Тамара Ивановнади Къасумхуьрун райондин Цмуррин сифтегъан школада сифтегъан классрин муаллимвиле къвалахар эгечна.

1953-йисалай Т. Касобоковади Къасумхуьрун 2-нумрадин юкван школада акъалтзавай несилдиз чирвилер ва тербия гана. Ам урус чъалан муаллим тир.

1953-йисуз Тамара Ивановнади вичин къисмет Фрунзе Велиевахъ галаз сад авуна, хизан кутуна.

1981-йисуз Тамара Касобокова (Велиева) пенсиядиз экъечна.

Яргъал йисарин намуслу зегъметдай Тамара Ивановна В. И. Ленинан 100 йисан юбилейдин ва «Зегъметдин ветеран» медалар гуниз лайихлу хъана.

Чепракова Зоя

Зоя Ивановна 1937-йисуз Дагъустанда дидедиз хъана. 1938-йисуз адан дидени буба Самур станциядилей Герейханован совхоздиз куь хъана, З. Чепракова 2004-йисалди гъана яшаммиш хъана.

1952-йисуз Зоя Ивановнади Дербентдин педучилище акъалтгарна, Зизикрин ирид йисан школада урус чъалан муаллимвиле къвалахарна. 1957-йисуз З.

Образованидин йис

Чепракова Герейханован хуьрун юкван школадиз перевод аву-



на. И школада ада саки 50 йисуз акъалтзавай несилдиз дерин чирвилер ва тербия гана.

Зоя Ивановнади Дагъустандин государственной педагогический институт заочныйдаказ къелна акъалтгарна. Са шумуд йисуз ада муаллимрин чирвилер хкаждай институтдин патав гвай къенкъеви тежрибадин школадин руководителвиле къвалахарна.

Зоя Ивановна Чепракова РСФСР-дин халкъдин просвещенидин отличник, ДР-дин лайихлу муаллим тир.

Мейланова (Хаританова) Олимпиада Феоктистовна



Олимпиада Феоктистовна 1922-йисуз Красноярск шегъерда дидедиз хъана. Ам рабочий хизандай тир. Ватандин Чехи дяведин йисара ада далу пага зегъмет чъугъазвай. Ина ам Красноярскдиз вич сагъар хыйиз атанвай Мейланов Рауф Жамалдиновичахъ галаз таниш хъана. Са тимил вахтундилей жегъилар эвленмиш хъана, абуру интернациональный хизан кутуна.

Сагъламвилерин гьалдиз килигна Рауф Жамалдинович комиссоват авуна, къве аялчи гъаз 1945-йисуз Къасумхуьрун хъана. Олимпиада Феоктистовна Къасумхуьрун школада сифтегъан классрин муаллимвиле къвалахар акъвазна.

Заочныдаказ ада Дербентдин педучилищеда къелна. Аялрал гъаф рик алай О. Мейлановади (Харитановади) 40 йисалай виниз муаллимвиле къвалахарна. И хизанда 4 аял – къве гадани къве руш чъехи хъана. Рушар тир Назифади ва Муминади медицинадин институтар акъалтгарна, духтурар яз къвалахарзава. Назифа Рауфова медицинадин илимрин кандидат, доцент я. Гада Жамала политехнический институт акъалтгарна, Махачкъалада фу чрадай заводда къвалахарзава.

Олимпиада Феоктистовна 85 йисан яшда аваз 2007-йисуз рагъметдиз фена.

Олимпиада Феоктистовна 85 йисан яшда аваз 2007-йисуз рагъметдиз фена.

Олимпиада Феоктистовна 85 йисан яшда аваз 2007-йисуз рагъметдиз фена.

Олимпиада Феоктистовна 85 йисан яшда аваз 2007-йисуз рагъметдиз фена.

Бабаева (Ксеновонтова) Дина

Дина Саратовский областдин Тульский райондин Шаповка хуьре дидедиз хъана. Школадилей гуьгъунлай Балашов шегъерда педагогический училищедик экъечна. 1954-йисуз вичин гуьлуьхъ галаз Дагъустандиз атана. Сифтедай Хив райондин АрхитГрин школада муаллимвиле къвалахарна.

Гуьгъунлай Вили Сталрин хуьрун куь хъана, аялн школада аялриз чирвилер ва тербия гана.

Раиса Васильевна

Ада Т. Д. Быковскаядихъ галаз 1947-йисалай 1959-йисалди Нуьцъугърин сифтегъан школада муаллимвиле къвалахарна.

1960-йисуз ам Хасавюрт шегъердиз хъфена. Раиса Васильевнади 1970-йисара Дагъустандин государственной университетда къелна.

Гуьгъунлай адан къисметдикай делилар авач.

Быковская (Латышева) Татьяна Дмитриевна

1947-йисалай 1959-йисалди Нуьцъугърин хуьре, гуьгъунлай Шихидхуьре (мумкин я Испика) муаллимвиле къвалахарна.

Т. Быковская Москвадиз хъфена, ана аялрин бахчада тербиячи яз къвалахарна.

Москвада Татьяна Дмитриевна Очакован шоссе куьчеда яшаммиш хъана.

Нина Даниловна. Ада 1957-1959-йисара Нуьцъугърин школада къвалахарна. Гуьгъунлай адан къисметдикай делилар авач.

Зина (Зоя) Гъа (1957-1959) йисара Эженрин хуьре къвалахарна. Нуьцъугърин хуьре Нина Даниловнадихъ галаз санал яшаммиш хъана. Гуьгъунлай адан къисметдикай делилар авач.

Давыдова Нина Ивановна

Н. И. Давыдовади 1961-йисалай 1966-йисалди Зизикрин юкван школада урус чъалан муаллим яз къвалахарна.

Сердерева Лидия Сергеевна Ада 1961-йисалай 1966-йисалди Зизикрин юкван школада къвалахарна.

Коренкова Дарья Николаевна Д. Коренковади 1951-йисалай 1953-йисалди Зугърабуьрун ООШ-да къвалахарна.

Магъмудова (Когтева) Валентина Гавриловна

В. Магъмудовади (Когтевади) 1955-йисалай 1956-йисалди Испикрин юкван школада урус чъалан муаллимвиле къвалахарна.

Лиза Прохорова Ада 1942-йисалай 1945-йисалди Дарклуш-Къазмайрин школада къвалахарна.

Маргарита Кисилева

Людмила Кириченко. Абуру 1956-йисалай 1958-йисалди Дарклуш-Къазмайрин школада къвалахарна.

Караченская Зоя Михайловна Ада 1944-1949-йисара Уллу-Гъетягърин СОШ-да къвалахарна.

Федорова Нина Ивановна

Ада 1946-1950-йисара Уллу-Гъетягърин СОШ-да къвалахарна.

Рослякова Вера Агеевна

Ада 1951-йисалай 1958-йисалди Уллу-Гъетягърин школада завуч яз къвалахарна.

Каспарова Евгения Николаевна

Ада 1952-йисалай 1956-йисалди Уллу-Гъетягърин школада урус чъалан муаллимвиле къвалахарна.

Гъазурайди - Хазран Къасумов

27-март Виридуьньядин театрдин югъ я

Сувар мубаракна

Малум тирвал, алай йисан 27-март Виридуьньядин театрдин югъ яз къейдна. И юкьуз чи муниципальный райондин информационный агентствонин руководитель Гуьллер Камилова ва «Куьредин хабарар» газетдин культурадин отделдин заведующий Абидин Камилев СтГал Сулейманан тварунихъ галай Лезгийрин Гукуматдин музыкадинни драмадин театрдин мугъман хъана.

И югъ ял ядайди хъуниз килгна, вири инжиклу тавун патал, чна сувар мубарак ийиз чи халкъдин гзаф рикI алай артист – Дагъустандин халкъдин артист, ДР-дин Гукуматдин премиядин лауреат, «Шарвили» эпосдин суварин премиядин сагъиб Рамазанов Ибрахалил Рамазановичаз театрдин агун теклифнавай. Ам тайинарнавай вахтунда атана акъатна.

Хваш-беш авурдалай гуьгуьниз, чи райондин администрациядин тварунихъ алаз ва лезги театрдин вири коллективдиз чпин пешекар-вилидин сувар мубарак авурдалай гуьгуьниз ихтилат адан умуьрдин рекъикай, 53 йисуз артист яз сегънедал ада арадал гъайи къаматрикай (образрикай) фена.

- Зун тийижирбурни аватIа, - лагъана хъурена ам, - чир хъурай: Зун СтГал Сулейман бувадин твар алай райондин Куьре Меликан хайи хъуре – Курхуьрел – 1944-йисан 10-июндиз дидедиз хъана.

Хуьруьн школа акъалтIарайдалай гуьгуьниз 1964-1967-йисара за виликан ГДР-да ГСВГ-да къуллугъ авуна.

1969-йисан майдин вацра СтГал Сулейманан 100 йисан юбилейдин мярекатдал урус-рин машгур шайр Владимир Маяковскийдин къайдада шиир кIелайла, аквадайвал бегенмиш хъана, а чIавуз театрдин къилин режиссер тир машгур Багъиш Айдаева заз театрдин кIвалахал агун теклифна, за еке шадвилелди адан теклиф къабулна.

Артист хъун, адан сирер чирун патал за институтар, академиярни акъалтIарайди туш. Зун хайи халкъдин арадай акъатнавай халкъдин артист я. Эхъ, зун хайи театрдин сегънедаллаз 53 йис хъанва. И девирда зун са вишелей виниз къилин ролра къугъвана.

Сифте яз зун «СтГал Сулейман» тамашада муаллим Сердеран ролда къугъванай. Гуьгуьнлай Эседулагъ Наврузбекован «Фасине» тамашада къугъвай Бурдугу Капитоновичан, «Гъажи Давуд» тамашада къугъвай Сад лагъай тетрдин, Узаир Гъажибекован «Мешеди Ибад» тамашада Гъамбалдин, «Шарвили» тамашада Шарвилидин къаматар ва гъакIни Асеф Мегъманан «Харубег ва ЦIарубег» тамашада къугъвай Харубеган образ тамашачийри еке хушвилелди къабулна. Исаятда зун гъвечли ролар къугъвазва.

15 йисуз зун Ахцегъа кьиле

тухузвай «Шарвили» эпосдин суварик тур гъилеваз Шарвилидин ролда къугъвана. Зун гъакIни «Шарвили» эпосдин суварин премиядин лауреатни я.

Амма вири и тварарилай ва премийрилай, артист яз, за жуван хайи халкъдин патай авай гъурмет еке награда яз гьисабзава.

Шарвилидин веси кхъенвай чи чIехи шайр ва драматург



Ибрагъим Гуьсейнова лагъайвал:

*Яшамшрай зи лезги халкъ,
Гуьрчегвилин къадир авай!*

– лагъана эхирдай артистди ва «Шарвилидин веси» хуралай кIелна.

И гуьруьшдин иштиракчийри гуьгуьнлай театрдин вилик квай СтГал Сулейманан гуьмбетдин вилик шикилар яна, чIехи шайрдин экуь къамат рикIел хкана.

Куьре Абид

Аялрин ва жаванрин ктабрин гъафте – кардик

24-мартдиз чи райондин библиотекайрин идараяр «Аялрин ва жаванрин ктабрин гъафте» Вирироссиядин акциядик экечIна.

И юкьуз «Аялрин ва жаванрин ктабрин гъафте» ачухун Алкъвадар Гъасан Эфендидин тварунихъ галай райондин центральный библиотекадин кIелдайбурун залда кьиле фена.

Мярекат, райондин яратмишдай интеллигенциядин, кIелзавайбурун иштираквал аваз, аялрин библиотекадин заведующий Чрахалум Абдулгъафисовади ва кIелдайбуруз къуллугъ ийидай отделдин заведующий Рузанна Бабахановади тешкилна ва кьиле тухвана.

Залда аквадай чкайрал и мярекатдиз талукъарнавай лозунгар, шикилар, стндар чи машгур классикри ва алай аямдин шайрри аялар патал кхъенвай ктабрин выставкаяр ачухнавай.

И мярекатдин иштиракчийр патал жуьреба-жуьре нумрайрикай, гъвечли сегънейрикай, къугъунрикай, ма-

нийрикай, шиирар хуралай кIелуникай, (гъам урус ва гъакIни лезги чIаларал) ибарат маракьлу программа гъазурнавай.



И мярекатда гуьрметдин мугъманар яз чи райондин Информационный агентствонин руководитель Гуьллер Камиловади ва шайр Абидин Камилова иштиракна, аялриз талукъарнавай эсерар кIелна.

Библиотекарь Тамум Загъирововади анал аялриз чи писатель Нажмудин Шихнабиеван «30 йисалай хтай чар» гъикая кIелна.

Библиотекадин къуллугъчи

Минасат Абасовади кIелзавай аялрихъ галаз «Что за прелесть эти сказки» викторинани кьиле тухвана.

Эхирдай и мярекатда тафват-

лу хъайибуруз ЦБС-дин патай грамотаяр ва пишкешар гана.

И мярекат метлеблуди ва адан иштиракчийрин рикIел яргъалди аламукъдайди хъана.

Ихъгин мярекатар ЦБС-дин амай хуьрерин библиотекайрани кьиле фена.

Чна чи хъсан адатар, руьгъдин ивираар хуьн ва вилик тухун патал кIелелей чалишмишвал авуна кIанда.

Абидин Камилев

Мубаракрай!

Къазанмишнавай агалкъунрай ва гзаф йисарин бегъерлу кIвалахдай Сулейман-Стальский райондин депутатрин Собранидин председатель **Штибег Мегъамедхановаз** «Дагъустан Республикадин вилик лайхлувилерай» Орден ганва.

63-нумрадиз кваз акъуднавай Указдал Дагъустан Республикадин Кьил Сергей Меликова 2022-йисан 28-мартдиз къул чIугунва.



Къазанмишнавай агалкъунрай ва гзаф йисарин бегъерлу кIвалахдай Р. А. Халикъован тварунихъ галай Къулан СтГалрин умуми образованидин юкьван школадин муаллим **Халилбег Халилбековаз** «Дагъустан Республикадин лайхлу муаллим» лагъай твар ганва.

63-нумрадиз кваз акъуднавай Указдал Дагъустан Республикадин Кьил Сергей Меликова 2022-йисан 28-мартдиз къул чIугунва.



Сулейман-Стальский райондин М. М. Рагъимован тварунихъ галай Курхуьруьн 1-нумрадин юкьван школадин лезги чIалан ва литературадин муаллим **Межидова Гюзел Алиевна** ДР-дин Гуьрметдин грамота гана.

Сулейман-Стальский райондин Къасумхуьрел яшамш жезвай гзаф аялрин диде **Замира Аликовна Гуьсейнова** ДР-дин Къилин твар алай сят гана.

25-мартдиз ДР-дин Културадин министерствонин Културадин работникрин йикъаз талукъарна кьиле тухвай мярекатдал Сулейман-Стальский райондин Информагентствонин руководитель **Гуллер Камилев** Гуьрметдин грамота гана.



Виликдай Гуллер Камиловади Махачкъалада «Россия – моя история» твар алай Исторический паркунин отделдин начальник яз кIвалахдайла, ДАССР-дин 100-йисаз талукъарна акъудай мультимедийный выставкадай ва гзаф миллетар авай чи республикадин вилик чIугур зегъметдай ва агалкъунрай ДР-дин Културадин министр Зарема Бутаевади Почетный грамота вахкана.

Дагъустандин писателрин Союздин член, машгур шайр, чи районгъли Сажидин Саидгъасанов эхиримжи вахтара дуньядин машгур классрин эсерар урус чIалай лезги чIалаз таржума авунални машгул хъанва. И йикъара шайрдин тварIихъ Узбекистан Республикадай чпин разивал къалурунин чухсагъулдин чар хтанва.

Гуьрметлу Сажидин Саидгъасанов!

Узбекистандин писателрин Союздин ва вири яратмишнардайбурун сообществодин тварунихъай Узбекистандин Игит в халкъдин шайр Абдулла Арипова машгур алим, камалтгъли ва жерягъ Абу Али ибн Синедиз (Авиценна) бахшна кхъенвай поэма «Жерягъ ва ажал» («Лекаръ и смерть») эсер лезги чIалаз таржума авуналай Квез еке чухсагъул.

Чаз Квехъ сагълам чан, яргъал умуьр хъана кIанзава, хъсан адатар давамаруник гележегдани Куьне Куь пайни кутадайдахъ умудлу я.

Сиражуддин Сайид, Узбекистан Республикадин писателрин Союздин председатель, Халкъдин шайр.



Ковиддихъ галаз алакьалу рекъемар

2022-йисан 31-мартдин делилралди районда цийи коронавирсдин инфекциядин гьакьиндай гьар рекъерай санлай кьурла 65530 ахтармишун кьиле тухванва.

Алай вахтунда 38 кас начагъбур квалера медицинадин рекъий гуьзчивилик ква. Абурукайни 25 коронавирсдик ва 13 кас стлалжемдик начагъ я. Медицинадин гуьзчивиликай 65484 кас хкуднава. Вири вахтунда вакцинадин рапар 21277 касди янава.

Спортдин хабарар

Мини-футболдай чемпионат

Сулейман-Стальский районда 3-мартдилай мини-футболдай акъажунар кьиле физва. Акъажуна 10 командади иштиракна.

Сифтегъан тур Цийи хуьруьн мини-футболдин майдандал кьиле фена. Жегъил футболистрин гуьгъуьл кьачун патал Сулейман-Стальский райондин Кьил Нариман Абдулмуталибов атана. Кьугъунриз килигна райондин Кьили чи районда кардик квай спортдин, туризмдин ва жегъилрин крарин рекъий Комитетдиз, судьяйриз чухсагъул ва генани агалкьунар хъана кланзавайди лагъана. Муниципальный хягъай командада кьугъун патал виклегъ ксар хкудун «Кюре» футболдин клубдин тренер Керим Селимован хиве туна.

Сифтегъан турда виридалай виклегъ игрок Цийи хуьруьн командадай Джават Шагьмирзоев хкъана.

Кьугъунар гьафтада садра кьиле тухузва. Гьар



са турда кьазанмишай нетижайриз килигна очкаяр гузва. Гьакни гьар турдин нетижайриз килигна лап хъсан вратарь, защитник ва нападающий тестиькарзава.

Гъалибчийриз ва призерриз кубокар, грамотаяр, медалар ва пулдин премияр гуда.

Жаван пагъливанар

Дагъустан Республикадин Огни шегъерда 20-мартдиз спортдин рекъий гьар жуьредин акъажунар кьиле фена. Сулейман-Стальский райондин спортдин, туризмдин ва жегъилрин крарин рекъий Комитетди рекъе тунвай тренер-преподаватель Б. Бабаеван тербиячияр тир Сулейман Къадиева ва Амрид Эседова призовой чкаяр кьуна.

Жегъил пагъливанриз Вадим Шагъпазова, Аслан Шагъпазова, Кьурбан Алискерова, Тамерлан Мегъамедова ва Муслим Агъмедпашаева куьмекар гана.

С. Баламетова



О мерах пожарной безопасности в жилом фонде

Основными причинами возникновения пожаров в жилом секторе являются: неосторожное обращение и детская шалость с огнем, неисправность электрооборудования и электроприборов, неисправность печей и дымоходов.

Большое значение вопросы пожарной безопасности в жилых квартирах и домостроениях приобретают весной, с наступлением долгожданного тепла. Проводятся работы по уборке садовых участков с сжиганием сухой растительности. Неосторожное обращение с огнем является самой распространенной причиной возгораний: несоблюдение правил пользования жилыми помещениями и невыполнение правил пожарной безопасности приводит к многочисленным пожарам и человеческим жертвам. Несоблюдение правил пожарной безопасности в быту, бездумное обращение с огнем при курении, сжигание мусора вблизи строений, разожженные костры, искры от которых разлетаются в разные стороны, – все это неосторожность, переходящая в небрежность и приводящая, как правило, к очередной трагедии. Следом за человеком из

городской тесноты на лоно природы незримо следуют пожары...

Исходя из вышесказанного, напомним квартирьесемщикам, владельцам частных домов и дачных участков о соблюдении и выполнении ниже перечисленных правил пожарной безопасности и действиях, которые необходимо предпринять для исключения опасности возникновения пожара:

- устранить неисправности в электрохозяйстве и электроприборах;
- не оставлять без присмотра включенные электробытовые приборы (электрочайники, электроплиты, электрообогреватели, электрокипятильники и т. д.);
- установку в жилых помещениях временных печей, монтажные работы по устройству печей и дымоходов поручать только специализированной организации, лицензированной на право
- соблюдать необходимые правила пожарной безопасности при пользовании газом и бытовыми газовыми приборами;
- во избежание утечки газа, периодически проверять герметичность трубопроводов подающих

газ, установку и монтаж газовых кухонных плит монтировать с разрешения соответствующих органов;

- в частных домовладениях не допускать хранение газовых баллонов в жилых помещениях, обеспечить их нахождение в специальном металлическом шкафу;
- при сжигании мусора во дворах и на территории дачных участков не разводить костры вблизи жилых строений и хозяйственных построек;
- не доверять малолетним детям присмотр за включенными электро- и газовыми плитами, за топящимися печами;
- иметь в своем жилище необходимый запас первичных средств пожаротушения..

ВАЖНАЯ ИНФОРМАЦИЯ: в случае возникновения чрезвычайной ситуации необходимо обратиться по номеру 112 или 01, для жителей населенных пунктов Сулейман-Стальского района Ньютоп, Зизиз, Карчаг, Экендилъ
Тел. Пожарной части в с. Карчаг 55-17-89

Начальник ПЧ-62 МЧС Дагестана М.К.Махадинов

Игитдин твар гъамишалугъ яз амуькда

Дяве цай я, дяве каш я, дяве мекъ я. Дяведи инсанрин риклер кьарсурда, жегъил, кьегъал рухвар диде-бубайривай, вахстхайривай, мукьва-кьилийривай инсафеуз жуьреда кьакъудзава.

Ингъе, мад са кьурбанд Украинада кьиле физвай женгерай Сулейман-Стальский райондин Вили-Сталрин хуьруьнви Мегъамедов Аслан Мегъамедович и йикъара хайи хуьруьз хкана эхиратдиз рекъе туна. Аслана контрактник яз 91706-мотострелковий сад лагъай батальондин гротометчиквиле Ватандиз кьуллугъ ийизвай. Аслан Мегъамедович 1997-йисан 8-сентябрдиз Вили-Сталрин хуьре дидедиз хъана. Армавирдин Гос. Университет акалтларна, армиядин жергейриз фидалди, школада муаллимвиле кваллахна.



Ватандиз вилик вичин буржи кьегъалвилелди кьилиз акъудайла телефон хъайи Аслан эхиратдин рекъе тваз, адан диде-бубадиз, мукьва-кьилийриз башсагълугъвал гуз кьиле райондин Кьил Нариман Абдулмуталибов аваз райондин вилик-кьилик квай ксар атанвай.

Нариман Шамсудиновича дерин хажалат чугунивди регъметлудан диде-бубадиз райондин администрациядин, вири жемьтдин ва вичин патай башсагълугъвал гана ва Дагъустан Республикадин Кьил Сергей Меликован тварцихъай Правительстводин телеграмма вахкана, ана ик кхъенвай: «Гъурметлу Мегъамед Джамалдинович ва Дурия Гъамидулаговна! ДР-дин руководстводин ва кьилди жуван патай аз Квез башсагълугъвал гуз кланзава. И залан, туькуьл хабарди чи риклерни кьарсурна. Куь хва Аслан Мегъамедовича Ватандиз кьуллугъ авунин рехъ хкъана. Адан кьегъалвал, игитвал халкьдин рикелай фидач.

Игитар гъамишалугъ яз амуькда!!!».

ВНИМАНИЮ АГРАРИЕВ: ИНФОРМАЦИЯ О ВОЗМОЖНОМ ЗАНОСЕ ПОТЕНЦИАЛЬНО-ОПАСНЫХ КАРАНТИННЫХ ОБЪЕКТОВ

Кавказское межрегиональное управление Россельхознадзора в целях реализации государственной политики Российской Федерации в области защиты населения и территории от чрезвычайных ситуаций (указ Президента РФ от 11 января 2018 г. №12) информирует о возможном заносе на территорию республики потенциально-опасных карантинных объектов - южноамериканской томатной минирующей моли, табачной белокрылки, западного (калифорнийского) цветочного трипса, коричнево-мраморного клопа, многоядной мухи горбатки, бегемотовируса желтой курчавости томатов и др.

Учитывая, что в последние годы в Республике Дагестан успешно развивается отрасль овощеводства защищенного грунта, а владельцы теплиц не соблюдают карантинные фитосанитарные требования, зачастую имеются случаи бесконтрольного перемещения посадочного материала не только из одного района Дагестана в другой, но и из других регионов РФ, где карантинные вредители и болезни закрытого грунта имеют широкое распространение (например, Волгоградская и Ростовская области, Ставропольский, Краснодарский края и др.).

Для предотвращения завоза и распространения новых особо опасных карантинных вредителей необходимо через средства массовой информации района довести до граждан о вредоносности и опасности данных объектов.

Созвать хозяйствующие субъекты на совещания с привлечением специалистов Россельхознадзора для подробного ознакомления с данной проблемой, согласовав с нами дату совещаний по тел. 8(8722) 621614, или на электронные почты vkr-rd@mail.ru, sk.dag@mail.ru.

В случае выявления подозрительного объекта, необходимо немедленно также сообщить в Кавказское межрегиональное управление Россельхознадзора по телефону горячей линии 8(8722) 621614, или на электронные почты vkr-rd@mail.ru, sk.dag@mail.ru.

Утерянный аттестат о среднем общем образовании за № 102818, выданный в 1992 году Карчагской СОШ на имя Меджидовой Рамелы Хуршидбековны, считать недействительным.

«Сулейман-Стальский район» муниципальный райондин администрациядин работникрин коллективди ва райондин Собраниядин депутатри Мегъамедов Аслан Мегъамедович вахтсуздаказ кечмиш хьунихъ галаз алакьалу яз, дерин хажалат чугунивди, адан диде-бубадиз ва мукьва-кьилийриз башсагълугъвал гузва.

«КЮРИНСКИЕ ИЗВЕСТИЯ» (на лезгинском языке)

Тешкилатчи: Сулейман-Стальский райондин администрация
Кьилин редактор А. М. Мирзалиева
Редакциядин ва издателдин адрес: 368760, Кьасумхуьр,
Стлал Мусаибан куьче, 3. Телефон: 3-41-65
Печатдин квал
Газетдин электронный почта kizvestiya86@mail.ru

Газета зарегистрирована Южным окружным межрегиональным территориальным управлением по делам печати, телерадиовещания и средств массовых коммуникаций, регистрационный номер ПИ №10-4325 от 28.01.2002г.

Редакциядинни макъалайрин авторрин фикирар сад тахъун мумкин я. Макъалайрин, абур гъизвай делилрин дуьзвилдин патяхай жаваб авторри чини гуда. Макъалайриз рецензияр гуьзвач ва абур элкьвена вахкуьзвач.
Чап ийиз вахкуьдай вахт 15:00. Чап ийиз вахкана 10:30
Газетдин индексар: Йисан – 63323; Зур йисан – 51369
Газет йиса 52 сеферда акъатзава.
Гь – И лишандик квай материалар гьакъдихъ чапзавайбур я.
12+ - Икьван яшар хъанвайбуру ктелрай.
Газет ООО «Типография-М» типографияда чапна, 368600, Дербент шегъер, С. Кьурбанован куьче, 25. Тираж 1600. Зак. №